


Tico Croes, Politico di Aña 1991



Drs. Robertico R. TICO Croes

ORANJESTAD (IPA) Durante eleccion di anja 1988 diferente persona hoben a drenta arena politico na Aruba. Especialmente den seno di AVP y MEP por a mira afiliacion di caranan hoben y prometedo pa futuro.

Hopi di e personanan aki simplemente a bira desepcionnan grandi y otro nan no a yega nan potencial ainda. Sin embargo uno sigur cu a resalta positivamente desde inicio di su carera y kende a sa di no solamente alcanza e espectivanan crea, pero hasta supera esakinan tambe grandiosamente, ta e politico hoben Tico Croes, kende ta afilia na e partido AVP.

Pesey tambe awe Matutino CORANT ta dedica e nombracion di politico di anja na e hoben politico aki.

Tico Croes den e corto tempo cu ela drenta politica a demostra di ta un persona di principio; un persona cu capacidad y dinamismo. Un politico

hoben cu un vision cu ta inspira y motiva otro nan.

Den historia politico di Aruba nos no a conoce ningun hende cu a yega di tuma retiro for di un posicion como jefe di un departamento di Gobierno, pasobra cu ela dicidi di drenta politica. Tico Croes na momento di a drenta politica a duna henter nos comunidad un ehempel valioso di etica y moral door di retira como jefe di e departamento di relacionnan cu exterior, ora cu ela tuma

e desicion pa drenta politica.

Un ehempel valioso, pasobra hopi bez e imagen di sirbido di pueblo cu un politico ta, ta wordo negativamente afecta pa personanan cu ta drenta politica justamente pa haya posicion.

Tico Croes, pabien y cu hopi futuro aspirantenan politico sigui bo ehempel. Esaki tambe ta conta pa esnan cu ya ta den politica, y kendenan kier ta un politico.